

卷十五

書名 小倉山房詩集三十六卷 咸豐元年序
 番禺謝氏梅花詩屋刊本
 撰者 清 袁枚 撰，清 謝有仁 注
 卷 卷十五
 內容分類 集-別集-清中葉前期
 索書號 夕嵐草堂.S4103
 編號 90434

彩色首頁1

東洋文化研究所漢籍目錄 編號: 90434

東洋文化研究所漢籍目錄所藏漢籍善本全文影像資料庫 索書號: 夕嵐草堂.S4103

漢籍善本全文影像資料庫文本小倉山房詩集三十六卷 咸豐元年序番禺謝氏梅花詩屋刊本

版權所有: 東京大學 東洋文化研究所

使用上的注意事項

小倉山房詩集卷一 丙辰丁巳

番禺謝有仁靜山註

男鴻恩堯階校字



錢唐江懷古

江上錢王舊蹟多我來重唱百年歌勸王妙選三千弩
 不射江湖射汴河

錢王

蘇軾游靈隱寺得來詩復用前韻詩君不見錢塘湖錢王壯觀今已無

百年歌

樂府詩集陸機百年歌十首五代史唐莊宗紀初克用置酒三垂岡伶人奏百年歌時存勗在側方五歲克用慨然將其鬚指而笑曰吾行老矣此奇兒也後二十年其能代我戰於此乎及天祐五年攻梁夾寨伏三千弩蘇軾八月十五日看潮五絕兵於此破之三千弩詩安得夫差水犀手三千強弩射潮低案吳越備史梁開平四年八月錢武肅始作捍海塘王因江濤衝激命強弩五百以射潮頭既而潮汴河在開封府滎陽縣達附錄隨園詩遂趨西陵汴河府城西至中牟界

小倉山房詩集卷一

梅花詩屋

子才子頌而長夢東筆萬枝為桴浮大江從此文思日
 汪洋十二舉茂才二十試明光廿三登鄉薦廿四貢玉
 堂爾時意氣凌八表海水未許人窺量自期必管樂致
 至必堯湯強學佞盧字誤書靈寶章改官江南學趨蹌
 一部循吏傳甘苦能親嘗至今野老淚簌簌頗道我比
 他人強投幘大笑善刀而藏歌招隱唱迷陽此中有深
 意曉人難具詳天為安排看花處清涼山色連小倉一
 住一十有一年蕭然忘故鄉不嗜音不舉觴不覽佛書

小倉山房詩集卷十五

己卯

番禺謝有仁靜山註

男鴻恩堯階校



子才子歌示莊念農

子才子頌而長夢東筆萬枝為桴浮大江從此文思日
 汪洋十二舉茂才二十試明光廿三登鄉薦廿四貢玉
 堂爾時意氣凌八表海水未許人窺量自期必管樂致
 至必堯湯強學佞盧字誤書靈寶章改官江南學趨蹌
 一部循吏傳甘苦能親嘗至今野老淚簌簌頗道我比
 他人強投幘大笑善刀而藏歌招隱唱迷陽此中有深
 意曉人難具詳天為安排看花處清涼山色連小倉一
 住一十有一年蕭然忘故鄉不嗜音不舉觴不覽佛書

不求仙方不知青鳥經幾卷不知樗蒲齒幾行此外風
花水竹無不好搜羅雞碑雀錄盈東箱牽鄂君衣聘邯
鄲倡長劍陸離古玉丁當藏書三萬卷卷卷加丹黃栽
花一千枝枝枝有色香六經雖讀不全信勘斷姬孔追
微茫眼光到處筆舌奮書中鬼泣鬼舞三千場北九邊
南三湘向禽五嶽遊賈生萬言書平生耿耿羅心腸一
笑不中用兩鬢含輕霜不如自家娛樂敲宮商駢文追
六朝散文絕三唐不甚喜宋人雙眸不盼兩廡旁惟有
歌詩偶取將或吹玉女簫綿麗聲悠揚或披九霞帔白
雲道士裝或提三軍行古塞碧天秋老吹甘涼或拔鯨
牙敲龍角齒牙閉爍流電光發言要教玉皇笑搖筆能

使風雷忙出世天馬來西極入山麒麟下大荒生如此
人不傳後知如此意非穹蒼就使仲尼來東魯大禹出
西羌必不呼子才子為今之狂既自歌還自贈終不知
千秋萬世後與李杜韓蘇誰頽頽大書一紙問蒙莊

頽而長頽音祈長貌詩齊風猗嗟昌兮頽而長兮凌八表程俱贈江仲嘉詩會當月下見麗眉一笑

超然凌八表法苑珠林造書凡有三人長名曰梵其書右行次日佉盧

其書左行少者靈寶神仙傳華子斯淮南人師角里先生授山隱靈寶方又靈

蒼頡其書下行靈寶里先生授山隱靈寶方又靈寶要畧吳王闔廬出遊包山見一人自言姓山名

寶要畧吳王闔廬隱居闔廬叩之乃入洞庭取素書一卷呈闔廬其

文不可識令人齋吳王出遊觀震湖龍威丈人山隱居北上包山入

靈墟乃入洞庭竊舒此文長傳百六初若強取出喪國廬善刀而藏

莊子提刀而立為之躊躇滿志善刀而藏之迷陽莊子接輿歌迷陽迷陽無傷吾

行注猶亡陽也亡陽任獨不蕩於外則吾行全矣
 又注荆楚有草叢生修條野人呼為迷陽其膚多
 刺青鳥經文獻通考秦青鳥子著青鳥經唐樗蒲書藝文志王粲新撰青鳥子三卷樗蒲書當作樗晉書葛洪傳洪性寡欲無雞碑晉書戴所愛玩不知棋局幾送携蒲齒名雞碑遠傳達總角時以雞卵汁澆白瓦屑作鄭康成碑又為文而自鑄之詞麗器好時人莫不驚服又芝田錄學慚鼠獄智雀錄尚書中候泰伯出狩至於咸陽天乏雞碑劉向說苑鄂君子皙泛舟於新波之中乘公鄂君青翰之舟張翠蓋會鐘鼓之音越人擁楫而歌於是鄂君乃揄脩袂向禽句高士傳向長字行而擁之舉繡被而覆之向禽句子平讀易至損益卦喟然嘆曰吾已知富不如貧貴不如賤但不知死何如生耳為子嫁娶畢救家事斷之云當如我已死與同好禽子夏俱九邊京蘄鎮宜府大游五嶽名山不知所終襄宇記湘潭湘玉皇笑東方朔山西延綏寧三湘鄉湘陰為三湘夏固原甘肅三湘鄉湘陰為三湘東王公與玉女投壺梟而誤脫不接天為之笑注笑者天口流火照灼今天下不雨而有電光是也

天馬句

史記蒲梢天馬歌天馬徠兮從西極

句

韓愈詩翩然下大拔鯨牙韓愈詩刺手拔鯨牙

逐勢死不畏赤

蒙莊潘岳詩上慙東門吳下愧蒙莊子案史記莊子傳莊子者

也

正月二十二日紀事

尚書公餘發幽想新歲不見詩人往顧命材官召某來

白雲可覓人難訪點也絃歌聲正希聞呼身作輕鷗飛

後堂直入無絲竹絳帳一枝紅蠟燭初將古玉辨琳琅

繼取蟲魚別印章吟詩風夏幽窗竹論史秋生舌底霜

野人看書如看水眼光到處狂言起當仁不肯讓先生

狂狷惟聞裁小子五歲郎君出款賓三千子弟幾人存

重提知遇當年事愈覺師生此日親官鼓琴琴星欲曙
山人長揖還山去送客燈明使者衣回頭月照將軍樹
臨行雙贈紫羅囊爛似天孫雲錦裳此意明公應有在
教儂佳句好收藏

材官

杜甫詩多少材官守涇渭將軍且莫破愁顏
案史記申屠傳以材官蹶張從高帝擊項籍

後堂句

彭宣沛郡戴崇宣為人恭儉有法度而崇
愷弟多智崇每候禹常責師宜置酒設樂與弟子

相娛禹將崇入後堂飲食婦女相對優人管絃鏗
鏘極樂昏夜乃罷而宣之來也禹見之於便坐講
論經義日晏賜食不過一肉卮酒相對宣未嘗得
至後堂及兩人皆將軍樹落將軍樹紫羅囊晉書
聞知各自得也將軍樹落將軍樹紫羅囊謝元
傳少好佩紫羅香囊叔父安患之
而不欲傷其意因戲賭取卽焚之

答周幔亭山中招友一篇

兩山屹相向中有兩賢居兩賢時相招歌呼相唱喁一

賢幔亭子昂昂千里駒能畫周天星帝座通喻呼能測

長江線胸中橫具區執削道所記羲農黃唐虞苔布偏

褰衣鉢冠弁棧車筮宅賦囚山清涼割一隅一賢隱隨

園玉佩而瓊琚挂冠十二年栽花三千株所居小倉巔

赤壤雜墳壚胚胎於清涼其氣廉以疏兩山無兩賢岌

岌徒清虛兩賢無兩山兀兀空蓬廬而今既雙得彼此

相夸譽我負子則戴子耕我則鋤雪海我已足松濤子

有餘淳于飲一石孟公飲一盃酒戶無大小醉鄉有乘

除此外來諸賢招之相與俱徐淑工丹青蝴蝶夢蘧蘧

黃香賦九宮文史為嬉娛王涂汝芳隣詩律追唐儒藤

齋我從昆仙履鳴雙鳧如山聚眾峯如水滙羣湖如樂
合宮商如蛩負駟驢琴彈左瑟應鷺立旁鷗趨招友得
此樂千金抵須臾僕乃掉頭笑如斯而已乎我請為大
招與子相擲揄擊筑招漸離試劍招風胡挾彈招韓嫣
采桑招羅敷我若為天公玉女常投壺我若為宰相子
路執金吾我若大勳貴驅使霍家奴於今皆無分且自
招其徒不招漢灌夫酒氣太豪粗不招石季倫俗物矜
珊瑚不招袁彥道無賴喝臬盧所招皆目前一一與人
殊招月使升戶招風使當鑪招葉為茵幄招竹掃行廚
禮從野人野谷號愚公愚牧童牛戴牛酒器觚不觚若
非歌纂纂定是唱烏烏有花皆九錫有賦必三都山對

人而態活水得主而難枯星聞歌而欲聚鳥結伴而鳴
舒各招所招客各著所著書子招我未有我招子亦無
若比淮南王招隱終何如

執削周禮冬官考工記築氏為削長尺博寸合六

則以削刻字至漢雖有紙筆疏云古者未有紙筆

仍有書刀是古之遺法也考工記棧車

士所乘者奔謂上狹下濶欲奔欲奔注棧車

者以無革輓不堅而易敗也囚山柳宗元有瓊

琚句詩鄭風有女同車篇墳墟墳音憤土膏肥也

州厥土惟壤將翺將翔佩玉瓊琚墳墟墟音憤土膏肥也

下土墳墟我負句古詩源偕隱歌天下有道我

注云祝牧與其妻淳于句史記滑稽列傳淳于髡

偕隱乃作此歌淳于句史記滑稽列傳淳于髡

亦孟公廣輿記三國孟宗江夏人嘗為光祿與朝

醉孟公士禽有強之酒者飲一杯便吐半是麥飯

上聞歎息曰酒戶姚合詩愛花高酒戶陸徐淑

清德如此耶酒戶游詩病來酒戶何妨小徐淑

八言山亭寺主 卷十五 五 梅花詩屋

當作熙圖繪寶鑑徐熙金陵人畫九宮後漢書張
花木禽魚蟬蝶蔬果妙奪造化九宮每四乃還於中
以卜筮雜之以九宮注八卦謂之九宮黃香有九宮
賦中央者地神之所居故謂之九宮食得甘草必齧以
獸非愛厯也為其得甘草以遺左瑟儀禮卒歌主人
獻工左瑟一人拜不與大招楚詞有大招篇注
受爵主人階上拜送爵高漸離云屈原作或曰景
差漸離擊筑荆軻歌而和之風胡越絕書楚王之
作見干將之越見歐冶子詩二人作韓嫣西京雜
鐵劍又有楚王與風胡子論劍事羅敷古詩陌
好彈以金為丸京師兒童聞媽出彈羅敷上桑秦
輒隨之時為之語曰苦饑寒逐彈丸羅敷東王公與
氏有好事自名為羅敷羅敷王女神異經東王公與
敷善蠶桑採桑城南隅玉女投壺梟而誤
脫不接天執金吾漢書東方朔傳譬若霍家奴延
為之笑天執金吾以季路為執金吾若霍家奴延
年羽林郎詩昔有霍灌夫漢書灌夫為人剛石季
家奴姓馮名子都

偷二句

晉書王愷珊瑚樹高二尺許世所罕有以
示石崇崇以鐵如意碎之愷方惋惜崇曰

二句

俱盡求濟於耽而耽在艱遂變服懷布帽隨
溫與債主戲耽素名藝名債主聞之而不相識謂

上句

百萬就投馬叫絕探布愚公谷說苑齊桓公出
帽擲地曰竟識袁彥道不愚公谷獵入谷中問曰

何句

谷老人對曰為愚公之谷臣故畜犉牛生子而
大賣之而買駒少年日牛不能生馬遂持駒而去

傍句

鄰聞之以臣為牛戴牛考工記角長二尺有五
愚故號為愚公谷牛戴牛寸三色不失理謂之牛

戴句

牛注謂角歌纂纂纂與攢通潘岳笙賦歌棗下
直一牛也

何句

攢烏鳥史記李斯上書曰擊甕叩缶彈箏拊
攢烏鳥

九錫

唐代叢書花九

隨園張燈詞

隨園一夜鬪燈光天上星河地上忙深訝梅花改顏色

萬枝清雪也紅粧

金粟分行綴玉蟲淺紅相間又深紅隔山人唱霓裳曲

笑指先生住月宮

綴玉蟲 韓愈詩囊裏排金粟釵頭綴玉蟲

高下樓臺列錦屏紅珠懸落水雲清嫦娥似讓燈光佛


捧出銀盤不敢明

燈光佛 王介甫言佛書有日月燈明佛燈光豈得配日月呂吉甫日日昱乎晝月昱乎夜燈

光昱於晝夜日月所不及其用無差

熱戲俳歌火鳳謠金缸銜壁影相交引光奴逞擎雲手

遍摘春星挂樹梢 缸當作缸用漢書趙昭儀事



熱戲 張祐熱戲樂熱戲爭心劇火燒銅鎚暗熱不

羈縻之凡戲輒分兩朋以判 火鳳唐會要貞觀中

優劣人心競勇謂之熱戲 裴神符妙解琵琶

曲聲度清美太宗深愛之 金缸銜壁賦金缸銜

壁是為引光奴 批清異錄夜有急苦於作燈之緩乃

盧仝吩咐小心風珍重封姨護燭龍一陣丁東鈴索響

水痕花影蕩千重

小心風 盧仝月蝕詩封姨博異記天寶中崔元

輦入院自通姓名日楊氏李氏陶氏又一緋衣小

女姓石名醋醋俄報封家十八姨各喜出迎命酒

怒目諸人即奉求余不奉求拂衣而起謂元微曰

小倉山房詩注 卷十五 梅花詩屋

之則免矣乃悟諸女皆眾花之精
醋醋卽石榴也封姨乃風神也
日燭陰卽燭龍也是龍身長千里天不足西北無
陰陽故有龍銜燭以照天門謝朓燈詩抽莖類仙
掌銜光鈴索韓偓詩夜久忽聞鈴索
似燭龍鈴索動玉堂西畔響丁東

誰倚銀屏坐首筵三朝白髮老神仙
熊滌齋太史道看羊侃

金花燭此景依稀六十年
太史云年十五時舉京兆宴宛平相公怡園見張燈相似

今重赴鹿鳴矣

金花燭
南史羊侃傳侃性豪侈善音律大同中魏使陽斐與侃在北堂同學有詔命侃廷斐

同宴賓客三百餘人食器皆金玉雜寶奏三部女樂至夕侍婢百餘人俱執金花燭

客散華堂酒未收重教金狄守更籌
簾波聽喚青衣捲

別有名花照影遊

金狄句
李商隱石城詩玉竟收夜鑰金狄守更籌案博物志秦始皇三十六年有大人十二

長五丈足履六尺見於臨洮始皇以為瑞銷兵器咸賜鑄金人十二象之卽金狄也晉書五行志魏明帝盛脩宮室西取長安金狄承露盤拆聲聞數十里金狄泣於是因留霸城

紫明供奉漸婆娑倦把青藜走絳河
笑我金蓮舊詞客

照花時少照書多

紫明供奉
清異錄武宗宣內供奉賜食既退獨映琉璃燈觀書久之歸寢殿王才人問官家以何消遣上曰綠羅供奉已去阜羅供奉未來

但與紫明供奉相守熟讀尚書無逸篇數遍耳

青藜
劉向別傳向校書天祿閣夜暗獨坐誦書有老人黃衣植青藜杖叩閣而入吹杖端烟然

與向說開闢以前向因受洪範五行之文至曙而去曰我太乙之精天帝聞卯金之子有博學者下

而觀焉乃出竹牒天文絳河拾遺記絳河去日南地理之書悉以授之

信步虛詞絳河因遠別黃鵠來相迎

遊仙詩

當年足下看雲生三疊琴心道已成誤寫上清蝌蚪字
一篇真誥不分明

風引三山境寂寥碧天吹斷水精簫關心子晉顏如玉
身隔雲屏手亂招

迢迢白練耿秋河織女重來恨已多八萬六千明月戶
不知何處認嫦娥

八萬六千戶

六當作二酉陽雜俎太和申鄭仁本表弟不記姓名嘗與王秀才遊嵩山

見一人枕一襪物呼之其人曰君知月乃七寶合成平月勢如丸其影則日燦其凹處常有八萬二千戶脩之子即一數因開襪有斤鑿數事又交同月岳齋詩云嵩邱洞中有八萬二千戶

相招須把碧芙蓉海上歸來雪萬重同住玉真清冷地
不司符籙便從容

王真

張籍詩掃壇朝玉真

東海塵揚阿母家年來勾漏少丹砂有人手執青鸞尾
獨立蓬山掃落花

東海塵

神仙傳麻姑謂王方平日接待以來見東海三變為桑田矣向到蓬萊水淺於往者

會時畧半也東海行復揚塵乎阿母家
韋應物白鸚鵡歌豈不及阿母之家青鳥兒漢宮來

海棠詞

春花開到海棠枝天意來催艷體詩誰把嶧山萬重雪
盡貽兒女作胭脂

嶧山雪

拾遺記穆王東巡大騎之谷西王母來進嶧州甘霜甜雪嶧州去玉門三千里地寒

多雪霜著木石之上皆融而甘可以為果

東風儘力送紅潮人自消魂雪自飄不信天孫織雲錦
年年都挂此花梢

聽得流鶯向曉催捲簾紫玉已成堆生愁夜半成烟去
自取銀燈照幾回

紫玉成烟用吳王女事

當年妃子鬪風華浴罷華清髻小斜國色半酣紅玉軟
至今留影漾窗紗

華清

白居易長恨歌春寒賜浴華清池

我亦會披宮錦行昏昏春睡不分明輸他花上金衣鳥
裹着紅雲過一生

九錫無人奏綠章自慚虛作紫薇郎夢中彩筆珍珠字
擬託朝雲寄數行

九錫

見本卷答周幔亭山中招友詩注

綠章

陸游詩綠章夜奏通明殿乞借春陰護海

朝雲二句

李商隱詩我是夢中傳彩筆欲書花葉寄朝雲

春日雜詩

千枝紅雨萬重烟畫出詩人得意天山上春雲如我懶
日高猶宿翠微巔

漠漠輕陰雨後看支筇長日倚闌干正嫌花氣無人送
一陣東風過玉蘭

水竹三分屋二分滿牆薜荔古苔紋全家雞犬分明在
世上遙看但綠雲

水竹三分

癸辛雜識續集薛野鶴日人家住屋須是三分水二分竹一分屋方好

清明連日雨蕭蕭看送春痕上鵲巢明月有情還約我

夜來相見杏花梢

萋萋芳草遍春潭深院無人綠更酣何處一聲清磬響

斷峰西去有茅庵

玻璃作鏡當雲鋪返照春山入畫圖自憶頭銜揣風骨

此生只合住冰壺

鑿得雙湖似故鄉一枝柔櫂泛春航落花水上凌波立

還擬人看舊日粧

風亭月榭事匆匆園漸繁華我漸窮半世經綸十年俸

思量都在水雲中

袖拂孤雲理素琴那知門外落花深山人不飲河東酒

只要君王賜茯苓

河東酒

北史韋復傳復答帝詩願時時朝謁帝大悅日給河東酒一升號之日逍遙公賜

茯苓

南史陶宏景傳永明十年上表辭祿詔許之以供服餌案苓字入九青韻

字入九青韻

銀箏低按古涼州聽水聽風夜正幽忽報樹梢燈似海

小紅歌罷盡回頭

涼州

唐書禮樂志天寶樂曲皆以邊地名若涼州甘肅州之類涼州曲本西涼所製也其聲

本宮調有大遍小遍又樂苑涼州聽水聽風詩話

曲開元中西涼都督郭知運進聽水聽風歐陽

公歸田錄王建霓裳詞弟子部中留一曲聽風聽

水作霓裳以不曉聽風聽水之義為恨予觀西域

認龜茲國與臣庶知樂者於泰山間聽風聽水之

聲均節成音後翻入中國如伊州甘州涼州皆龜

柴門掃雲雲不開雲中置酒臨高臺夕陽辭我下山去

小紅歌罷盡回頭

明月問渠來不來

自把新詩寫性情勝他絲竹譜春聲流鶯啼罷先生唱
各有閒愁訴不清

題曹麟書學士天下名山圖即送其乞假歸里

八十七歲學士何處來方瞳綠鬢顏如孩意欲吞盡齊
烟九點上天去故把名山幅幅都安排左手抱崑崙右
手拍洪崖使我一見心驚猜疑是夸娥之神負山至又
疑徐福之船從海回那知朱家為兄劇孟弟當年雞壇
同歆長安街長安李夫子玉洲先生宏獎諸仙才夷門大會
敦盤盛誰執牛耳升高臺君年最長我最少浮萍一聚
風吹開人生轉眼如夢耳二十五年海水飛塵埃諸賢



晨星半錯落李公白骨縈蒿萊我亦清霜上頰久隱矣
君方長劍拄頤事玉階平生舞刀奪槊英雄志氣小差
未惟有宋玉登山臨水之心猶未灰潑烟墨寫雲雷五
丁捧筆萬靈磨崖不必穆滿長驅八神駿不必向平踏
破雙麻鞋只須一頁展開處但見清都紫府眼前崩嶽
而崔巍青宮尚待桓榮駕曼倩難戀瑤池杯太公磻溪
方坐釣兩耳頗聞文王催前別既已遠後會何時偕但
問黃石公他年滄海騎鯨去可要圯橋進履之孺子擔
簷相追陪

齊州句

李賀詩遙望齊州九點烟夸娥句列子太行王屋二山方七百里高萬仞北

山愚公者年九十面山而居懲出入之迂也聚室而謀曰吾與汝畢力平險可乎雜然相許遂率子

孫叩石墾壤運於渤海之尾河曲智叟笑而止之
 愚公曰我死有子存焉子不加增何苦而不平操蛇之
 孫孫無窮匱也而山不加增何苦而不平操蛇之
 神聞之告之上帝帝感其誠命夸娥氏二子負二
 山一厝朔東一厝雍南自此
 冀之北漢之陰無壟斷焉
 女五百人載樓船入海尋
 祖洲不死之草遂不返
 與高祖同時魯人皆以儒教而朱家劇孟史記游俠列
 有劇孟周人以商賈為資而劇孟以任俠顯諸侯
 夷門大會史記魏公子列傳公子從車騎虛左自迎夷
 門侯生侯生攝弊衣冠直上載公子坐上坐不讓欲
 以觀公子公子執轡愈恭及至家公子引侯生上
 坐偏贊賓客賓客皆驚酒
 酣公子起為壽侯生前
 共珠槃玉敦註敦槃類古
 者以槃盛血以敦盛食
 註盟禮尊者泣牛耳主次盟者衛侯與晉大
 夫盟自以當涖牛耳故請晉大夫使執之
 頤戰國策齊嬰兒謠曰奪槩唐書尉遲敬德傳敬
 大冠若箕修劍挂頤奪槩德善避槩每單騎入



賊雖羣刺之不能傷又登山臨水宋玉九辨登山
 能奪取賊槩還刺之蜀王本紀天為蜀王穆滿綱鑑周穆
 五丁生五丁力士能移山不踐土二名翻羽行越
 詛穆王八駿一名絕地足不踐土二名翻羽行越
 飛禽三名奔霄夜行萬里四名超影逐日而行五
 名騰霧乘雲而奔八名挾翼身有肉翅
 卷首篇桓榮後漢桓榮傳帝召榮使授太子常令
 向禽注桓榮止宿太子宮積五年榮薦門下生九
 江胡憲侍講乃聽曼倩漢書東方朔傳
 得出且一人而已曼倩方朔字曼倩
 邳邳橋懷張子房詩我來邳橋上懷古欽英風唯
 見碧流水會無黃石公案漢書張良傳良間從容
 步遊下邳圯上有一老父衣褐至良所直墮履
 圯下願謂良曰孺子下取履良愕然欲毆之為其
 老乃強忍下取履因跪進父以足受之笑去良殊
 大驚父去里所復還曰孺子可教矣後五日平明
 與我期此良因怪之跪曰諾五日平明往父已
 先在怒曰與老人期後何也去後五日蚤會五日
 雞鳴往父又先在復怒曰後何也去後五日蚤會五日
 來五日良夜半往有頃父亦來喜曰當如是出一
 小倉山房詩話 卷十五 梅花詩屋

編日讀是則為王者師後十年興十三年孺子見我濟北穀城山下黃石即我已後十三歲從高帝過濟北果得穀城山下黃石取而寶祠之注服虔曰圯音頤楚人謂橋曰圯應劭曰汜水之上也文穎曰沂水服說是矣字與漢書註應劭曰圯字也又非沂水服說是矣字與漢書註應劭曰圯字也水詳里切汜水之上也張泌从土作頤宋祁曰舊本从水泌說非也今胡旦作圯橋贊亦從水若从土則應從說文謂橋為圯之訓李白詩我來圯橋上是謂我來橋橋上矣自宜以應劭之說為是又書經方命圯族之圯部都切音否从人已之已此圯字从已矣之已

題碎琴上人集

一代編詩史寬收幾個斯人宗獨漉上人自稱獨漉先生之後留
 派自南能賣卜簾垂市抄書佛借燈勸將狸德隱差免

千方僧

獨漉五朝詩選陳恭尹南能巖前別不見南能直



到令羅隱詩老住西峰第幾層為師回首憶南能馮延巳詩未得安心如北秀却思寬法趁南能賣卜句漢書王貢兩龔鮑傳序嚴君平卜筮於成

下簾而狸音方唐太宗聖教序宏濟萬品典御授老子狸音方杜甫太平寺泉眼詩取供十方僧香美勝牛乳蘇軾佛面拄杖詩十方三界世尊面都在東坡掌握中

制府西園小修工畢遊後賦呈宮保

山事畢棲霞山公坐晚衙自安三品石小綴一庭花印
 壑憑心造烟巒愛客夸數拳猶未足採到野人家

三品石名山記同泰寺在臺城內寺前有醜石四俗呼為三品石宋王安石詩云草沒苔侵
 棄道周誤恩三品竟何酬

不繫舟如舊亭臺事恰更添廊通雨路分竹散秋聲石
 罅蒼松補窗虛碧瓦明公餘射鵬處楊葉與雲平

不繫舟

制府有亭
名不繫舟

自寫爲山好新詩賦六章三江看雲物四度感滄桑水
靜游魚樂簾青夏日長鳴鳩隔花報春雨足新秧
我與西園柳蒙公種廿年自慚頭似雪不及樹叅天相
隔才三里賡歌每數篇春風沂水意舍點向誰傳

宮保和詩

斜照映紅霞濃陰放柳衙山凝環几翠風颺隔簾花
大廈慚無補芳園詎足誇梁間雙燕子不認是誰家
亭臺猶似昨轉眼景全更石磴含雲氣蕉窗帶雨聲
松青鱗半老波漲鏡初明頗有才人意文無一筆平
老去詩情減相思有和章幽懷耽水石農事念蠶桑

竹影迴廊靜鶯啼午夢長栽花還意懶幾度問新秧
羨君生計好高卧自年年宦海渾無岸桃源別有天
琴書消永日雲物入新篇笑我舟難繫空留客舍傳

杭太史堇浦寄示嶺南集奉酬三十六韻

嶺海新詩至空山老鳳鳴焚香盥雙手展卷到三更
氣青紅色釣天雅頌聲傳經百粵地灑翰五羊城南斗
文星避西河講席傾塗金尋漢塔呵手試端阮樹寫黎
隴義糕題鬼子名離宮開絳帳化雨沃仙莖曉夢梅花
落高談孔雀驚三千詩弟子六一古先生陸賈歸裝富
庚桑尸祝成豈徒娛暮景眞足慰交情憶昔公車召相
將殿上行采薇先輩列師律丈人貞德講資匡鼎噓枯

到禰衡充宗冠嶽嶽郭憲氣觥觥夜訪蓬池月朝騎太
乙鯨隨肩水署冷分手玉堂清慷慨論封事寬容賴

聖明白衣辭領職短鋪許歸耕鳥篆儂先誤龍鱗爾更
櫻三山成小謫一樣誤前程倭乞蕭夫子人師馬長卿

弓衣詩繡滿蹋臂女兒迎近海文瀾濶還家五兩輕珠
娘曾買否臬博幾輸贏五十喪無毀三虞事未營菰廬

還薦士時薦胡生猿鶴豈忘盟感舊山陽笛藏書晏子
楹有人遊白下幾載滯歸旌鄉井離黃籍江東作步兵

書來風動竹別久柳啼鶯以我紅顏改知君鬢雪盈無
車難越弔望遠但沾纓想和軒轅律遙吹子晉笙蒼茫

千里月執訊代班荆



南斗杜甫詩北風隨爽六一歸田錄歐公曰吾集

萬卷有琴一張棋一局置酒一陸賈句漢書陸賈

壺吾老其間是為六一居士陸賈句傳尉佗賜

賈裝直庚桑句王安石詩每嫌尸祝擾庚桑匡鼎

漢書匡衡傳衡好學家貧傭作以供資用尤精力

絕人諸儒為之語曰無說詩匡鼎來匡說詩解人

頤注服虔曰鼎猶言當也若言匡且來也應劭曰

鼎方也張晏曰匡衡少時字鼎長乃易字稚圭世

所傳衡與貢禹書上言衡敬報下言匡鼎白是字

也顏師古曰服應二說是也賈誼曰天子春秋鼎

是後人見此傳云匡鼎來不曉其意妄作衡書云
鼎白耳字以表德豈人之所自稱乎今有西京雜
記者其書淺俗出於里巷多有妄說乃云匡衡小
名鼎益絕嶽嶽漢書朱雲傳是時少府五鹿充宗
知者之聽嶽嶽貴幸為梁邱易自宣帝時善梁邱
氏說元帝好之欲考其異同令充宗與諸易家論
充宗乘貴辯口諸儒莫能與抗皆稱疾不敢會有
難雲者召入攝齋登堂抗首而請音動左右既論
難連枉五鹿君故諸儒為之語曰五鹿嶽嶽朱雲

折其角注嶽 觥觥後漢書郭憲傳憲字子橫時句
 嶽長角之貌奴數犯塞帝患之乃召百僚廷
 議憲以為天下疲敝不宜動眾諫爭不合乃伏地
 稱眩瞽不復言帝令兩郎扶下殿憲亦不拜帝日
 常聞關東觥觥郭子橫竟蓬池漢書地理志河南
 不虛也注觥觥剛直之貌 蓬池開封縣東北有蓬
 池或曰卽宋蓬澤也阮籍詩徘徊蓬池上還顧望
 大梁案此蓬池當作蓬萊池李德裕詩荷盡蓬池
 贈注翰林學士每太乙鯨陳孚呈李野齋學士詩
 賜食皆蓬萊池膾太乙鯨安得剛風九萬里從公
 橫騎太龍鱗句史記韓非子傳夫龍之爲物也可
 乙鯨擾狎而騎也然其喉下有逆鱗徑
 寸人有櫻之則必殺人主亦有蕭夫子南史蕭
 逆鱗能無櫻人主之逆鱗則幾矣蕭夫子子雲出
 爲東陽太守百濟國使人至建業求書逢子雲維
 舟將發使人於渚次候之望船三十餘步拜行而
 前子雲遣問之答曰侍中尺牘之美遠流海外今
 日所求唯在名迹子雲乃爲停舟三日書三十紙
 與之獲金五十句禮記五 山陽節賦序鄰人有
 貨數百萬不致毀 山陽節賦序鄰人有
 吹笛者發聲寥亮追思曩昔遊宴之娛感音而歎
 故作賦有經山陽之舊居句注山陽今懷慶府脩

武縣唐寶牟詩滿 晏子楹李商隱詩書留晏子楹
 目山陽笛裏人 晏子楹案晏子春秋晏子將死
 鑿楹納書焉謂其妻曰 黃籍見卷六示 步兵句晉
 楹語也子壯而示之 黃籍香亭詩注 步兵句書
 張翰傳翰有清才善屬文而縱 無車句禮記五十
 任不拘時人號爲江東步兵 無車句無車者不
 越疆執訊左傳文十七年鄭子家使執訊而與之
 而弔執訊書以告趙宣子誣執訊通訊問之官

遣興

富春嚴子陵谷口鄭子真亦自懶惰耳心非有所嗔男
兒不作官豈遂無立身必求所以然定知非解人

鄭子真法言谷口鄭子真耕於巖石之下

人難作我兒我難作人父所以生不育皇天不輕與古
來真才人俎豆非兒女諸公莫相關我自育千古
貨殖子貢富穰牖原憲貧富乃勞其力貧則苦其身治

生貴有道行樂貴及辰自活苟無才何以活生民

荒山本無墻梅雨復來敗山居已十年盜賊尚無害灞

上李將軍未必餘威在楚國舊令尹或者遺愛

當時只望老以便好辭官此時只畏老以便尋常歡望

之恰已至畏之不能逃始知望與畏兩念俱徒勞

古人吾不服今人吾可知惟其去人遠執禮彌謙卑奕

棋貪有伴降心以相從應付吾手上高低吾心中

當年修隨園過溪事營造今年修隨園溪內日探討遠

修跋涉遙腹裏翻未了近修結構易亦復偃息好始悟

古諸侯封國不嫌小

話桑麻圖為方綺庭明府題

東漢張君游驅騶漁陽道前村有桑麻顧之欣然笑先
生縮綬時與彼作同調風和柘樹陰雨晴麥隴初捐除

長官體輕乘舫棧車召彼野老詢桑麻今何如

張君游四句

後漢書張堪字君游拜漁陽太守乃於狐奴開稻田八千餘頃勸民耕種

以致殷富百姓歌曰桑無附枝麥穗兩歧張君為政樂不可支云云案此前村有桑麻顧之欣然笑乃用舊五代史張全義事非張君游事也舫棧車 見本卷答周幔亭山中招友詩注

桑者前致詞今春葉青青麻者前致詞漚菅得奇贏使

君未來時土化多未宜使君既來後犬足多生犛使君

不嫌醜敢獻村中酒山妻急繫裙牧童忙鼓缶長跪問

使君見過唐堯否

犬足生犛

犛音釐長毛也後漢岑彭傳岑熙遷魏郡太守輿人歌之曰狗吠不驚足下生

小倉山房詩話

卷十五

六

梅花詩屋

麓

使君忽心動我亦有桑麻汝既安汝業吾亦憶吾家高
掛烏紗冠歸看白門花白門有一人種桑十年矣半樓
弄溪雲滿徑桃花水若再欲話時請君來洗耳

偶題

春歸未歸雨復晴竹西牕戶風泠泠野薔薇喜没人到
雪白小花開一庭

香亭自徐州還白下將歸鄉試作詩送之

一別鬚如此全家怪汝蒼滄桑生面目世事感星霜到
眼園亭換關心兒女長阿兄難免俗先要問歸囊
聖王崇詩教秋闈六韻加今年得科第比我更風華五

字清商脆三條畫燭斜相期呼小宋追步八磚花

三條畫燭

廣記唐舉人試日既暮許燒燭三條薛能詩白蓮千朵照廊明一片昇平雅頌

聲更報第三條燭盡南宮風景寫難成或云韋承矩作

小宋

宋祁也

去年書慰我作叔苦無因

香亭和子失子詩云薄福難為叔添丁轉惱翁

門戶

堪誰託芸香少後塵桂花兼子采荆樹及時春莫再生

才女能詩便嫁人

戲四妹

聞說新居勝柴門汝未開到時花繫馬飲處月當杯遊
子隣翁認高歌啼鳥猜多增棠棣館頭白我歸來

悼柳

水上古柳彎環如老龍余誅茅築岸理而出之
置亭焉顏曰柳谷不逾年柳死

受賞非君願相知愧我麤建亭流水上從此好春無古
幹甯辭伐殘枝強欲扶蘭成枯樹賦吟罷覺心孤

蘭成句

小名錄庾信幼而俊邁有天然僧呼
信爲蘭成因以爲小字嘗著枯樹賦

傷鶴

二鶴翱翔籬外獵者過以爲可羹也火鎗一發
而斃

奇禍發清流乘軒兩鶴休火攻真下策羽化入高秋小
瘞苔痕薄平沙爪跡留神仙還有劫何處免閒愁

火攻句

世說周顛字伯仁友愛過人弟嵩飲酒瞋
目而謂伯仁曰兄才不及弟而橫得重名

須臾舉蠟燭擲伯仁顛無忤色
徐曰阿奴火攻誠出下策耳

諸知己詩

有序

曹公以太牢祭喬太尉卽宣尼報德之說阿瞞
猜忍猶知此義况君子乎枚少也賤長登仕途
好我者中心藏之今生四十四年矣伏而不出
髮有二色所報可知每學張步自呼負負計不
與形骸俱化者惟有文字倣少陵八哀聊志寸
心其他或頌其生或輓其死見集中者不復再
見金公恩最深故重言之生存者溧陽一相而
已統題之曰諸知己詩

禮部侍郎浙江提學王公蘭生

予幼學典謁觀光逐人走試籀書九千飲水墨一斗奕
奕王交河許作童子郎膠庠騎竹馬觀者嘆道旁蟠桃

花未開春風吹已早秋來甯不實自愧登盤小

典謁 禮記問士之子長日能典謁矣幼日未能典謁也註謁請也典謁者主賓客告請之事

九千 漢書藝文志漢興蕭何草律著法日太史每試學童能諷書九千字以上乃得為史又以

六體 試之

兵科給事中浙江提學帥公念祖

杭州蘇司業羣士附如毛非其所薦者竊竊愁琴焦帥

公無先容拔我升前茅按劍對夜光掘獄出毫曹長安

一為別咸陽萬里遙青蠅宦海飛白骨沙場拋可憐養

鸞驚不見賦鷓鴣何當抱孤琴塞外將魂招 公為陝西布政使竄

死塞

毫曹 毫本作豪吳越春秋越王允常聘歐冶子作名劍五枚一日純鉤二日湛盧三日豪曹或

日盤鄂四日魚腸五日巨闕王以豪曹示薛燭燭

目夫寶劍五色今見豪曹黠然無華殞其光芒其

神亡 青蠅 虞翻傳翻放逐南方自恨犯上獲罪當

矣 客使天下一人知 鷓鴣 晉書張華初未知名

已者足以不恨 作鷓鴣賦以自寄

處士柴東昇

瀨水一奩飯翳桑一頓餐當時寸心足此事千古難我

昔粵西行助者柴先生先生非有餘蓮幕分杯羹君家

耕南弟與我臭如蘭以愛及所愛同舟赴高安富春江

水清洪都江月白照我與君遊照君與我別如何照施

恩不能照報德

瀨水句 廣輿記溧陽有投金瀨即擊漂女飯伍子胥處子胥欲報其德不知其家投金瀨水而去案女史氏溧陽人子胥奔吳日見女子擊漂瀨水上子胥乞食女與之飯子胥日掩爾壺漿勿

梅花詩屋

令其露旣行回顧女已自翳桑句左傳宣二年初沈水中李白有貞義女碑宣子田於首山舍於翳桑見靈輶餓問其病日不食三日矣食之請以遺之使盡之而為之簞食與肉置諸橐以與之旣而與為公介倒戟以禦公徒而免之問其故對日翳桑之餓人也問其名居不告而退

廣西巡撫金公鉞

中丞巡粵西大阮遊幕中馳書招我往一見呼終童作奏薦之天署年驚王公詞科三百人爭來趨下風我遊蓬萊池公歸兜率宮愛我眉宇異期我爵位同語我韜畧計許我旂常功一事不能副兩淚何由終九原如可作持面愁相逢

大阮紫薇詩話劉師川莘老丞相幼子力學有文嘗贈舍弟詩云大阮平生余所愛小阮相逢

亦傾蘇轍詩相期兜率宮案此句當用白兜率宮樂天答客說詩云海山不是我歸處

歸卽應歸兜率天

協辦大學士吏部尙書孫公嘉淦

孤鳳蹲青桐不鳴如有聲金鐘懸東序萬物肅儀型孫公司爽鳩海內儒林亞天瑞五色雲丹青佐神化我來温卷時春風吹我面已助阮修婚更作正平薦登門已足榮何況噓植之千秋溯淵源大賢爲吾師

爽鳩左傳爽鳩氏司寇温卷灑水燕談錄國初龔

達先投刺謂之請見旣與之見他日再投啟阮修

事謂之謝見又數日再投啟事謂之温卷阮修

句晉書阮修傳修居貧年四十餘未有室王敦等斂錢爲婚皆名士也時慕之者求入錢而不得

正平句後漢書禰衡傳衡字正平始弱冠與孔融爲交友融上疏薦之

大常寺卿唐公綏祖

唐公智勇深高秋懸冰鏡一顧市可空九折臂逾勁賤
子趨未階短衣不掩脛公命下達來平章將女贈我曾
訂范雲何敢學子敬緣薄已慚恩福薄更慚命讀祭喬
公文琅琅不忍聽

冰鏡

蜀志龐統傳注襄陽記曰諸葛孔明為一顧

句

戰國策蘇代為燕說齊未見齊王先說淳于髡

人莫與言于還而視之去

九折臂楚詞九折臂而

知其短衣句

杜詩短衣數下達儀禮士昏禮下達

信然

范雲句南史江祐求范雲女為婚因酒

言辭通於

范雲句南史江祐求范雲女為婚因酒

為聘

雲笑而受之至祐貴雲曰昔與將軍俱為黃

鶴將軍

今化鳳皇荆布之室理隔華盛因出剪刀

還之

而更姻他族子敬晉書王獻之傳獻之字子

及而

敬妻流離子敬敬遇疾家人為上章道家

法應

首過問其有何得失對曰不覺餘事惟憶與

與

郊家離婚獻之前妻郊曇女也案郊當作郊音綿

御史

大夫郊慮之後姓源既異音讀各殊後世因

俗書

相混不復分郊為二陸龜蒙詩一段

清光

染郊郎亦誤讀也郊曇即郊鑿之次子祭喬

公文

喬三國志作橋太祖遣使以太

文淵閣大學士史公貽直

祀橋元其祀文載褒賞令

唐時顯慶輅皇宋夸物在一鳳鳴虞廷雍容六十載周
官三百六歷歷皆所司唐區十五道各各駐旌旗開口
姚元之放手杜黃裳瑕瑜不相掩才力堪低昂公以姚
杜兩公
命奉 詔教翰林我擬策一通謂有陸贄直而兼長沙
忠萬金何足感一言長在心仰止一品集封敖涕淚深

顯慶輅

見卷七雜詩第八首注

一品集

唐書藝文志李德裕會昌一品集二十卷

封敖

唐書封敖傳敖為宰相李德裕所器

編修李公重華

仙人碧虛骨不染明窗塵偶歌梅花詩冰絲彈孤雲市

上逢即君雞壇敦夙好門下作門生裴皞啞其笑長安

鳴珂里姑蘇青雀舟夫人行大享內子折花籌思之如

前生華屋悲山邱

裴皞

五代史裴皞傳宰相馮允孫桑維翰皆皞禮部所放進士也後允孫知舉放榜引新進士詣皞皞喜作詩曰宦途最重是文衡天與愚夫著盛名三主禮闈年八十門生門下見門生

御史王公竣

孤峰生大海四顧全無地志士立中朝寸心惟有 帝

先生獬豸冠目作愁胡視屢請上方劍王孫何自厲愛

我賦秋蘭逢人夸姓氏卿輩縱不聽奮舌行吾意說士

甘於肉排闥時掉臂歸老擁臯比得免魑魅忌千秋寂

寞名表章誰我繼

愁胡

杜甫詩側似愁胡

上方劍

漢書朱雲傳雲上書求見曰臣願賜尚方斬馬劍斷

佞臣

一人頭以厲其餘上問誰也對曰安昌侯張禹

說士甘於肉

後漢李充傳鄧騭貴

威傾

時無所下借以充高節每卑敬之嘗置酒請充賓客滿堂酒酣騭跪曰幸托椒房位列上卿將

幕府

初開欲辟天下之奇偉以匡不逮惟諸君博求其器充乃陳海內隱居懷道之士頗有不合騭

欲絕

其說以肉啖之充抵肉於臯比比音毗虎皮地曰說士猶甘於肉遂出徑去

席朱

子張載銘勇撤臯比案宋史張載嘗坐虎皮講易京師聽從者甚眾一夕二程至與論易次日

語人

曰比見二程深明易道吾魑音魅媚所弗及汝輩可師之撤坐輟講

兩江總督德公濟齋

講學俗儒耳惟公便覺雅為問所以然一真黜百假宗
藩靜而尊服侍皆宦者赤子心盤旋黃金手揮灑置身
三古前遊目兩廡下排眾用一賢命我擁雙社幸遇朽
木雕擬躍祥金冶嗚呼伯樂去憔悴終天馬

躍冶 莊子今大冶鑄金金踴躍曰我且必為鏹鏹
大冶必以為不祥之金范仲淹金在鎔賦昔

麗水而隱晦今
躍冶而光亨

兩江總督策公楞

策公不知書能收英雄才龍泉迎風胡一見心顏開彼
此留不得兩心各自哀賤子還鄉井將軍去輪臺陳湯
誤質子班勇無軍功蛇矛兩手折鐵鎖九天封未獲訊

廷尉先聞劫義公肉飛瀚海草血涼天山風吾欲負馬
革裹骨祭鬼雄

陳湯 漢書陳湯傳湯上書言康居王侍子非王子
也按驗實王子也湯下獄當死太中大夫谷

永上疏班勇 後漢書班超傳勇超之子也少有父
訟之風屢立功後以攻焉後期徵下獄

免義公 古詩平陵東松柏桐不知何人
劫義公按此翟義門人所作 馬革裹骨

後漢書
馬援事 鬼雄 楚詞身既死兮神以
靈魂魄毅兮為鬼雄

福建布政使司陶公士鑽

寸寸離官樂行行驄馬止相逢陶士行苦留王穉子問
公識我歟公云不識君上指丹鳳闕下指黔首民

行行驄馬止 後漢書桓典拜侍御史執政無所同
避常乘驄馬京師畏憚為之語曰行

行且止避 陶士行 晉書陶侃傳
侃字士行

李名世秀才

我聽溧邑訟有客戴儒冠日日立堂下如石點頭看疑
是攘獄者來探鞫刺端覺不干我事姑且聽其然亡何
我改邑驅車出郊外此人伏草中奔向車前拜云是高
淳人偶來溧邑界愛我聽訟明賃屋居此間日聽一二
事歸與父老傳我方拱手謝彼復攏袖言餉朱提八流
願當劉寵錢拒之彼淚下受之我茫然從此一為別騰
身如雲烟感君好善心愧我酬恩意冥冥三十年惻惻
至今記記得門狀書秀才李名世

劉寵錢 後漢書劉寵為會稽太守郡中大化徵為
將作大匠山陰縣有五老叟人齎百錢
以送寵曰自明府下車以來狗不夜吠民不識吏
年老遭值聖明今聞當見棄去故自扶奉送寵為

人選一大
錢受之

詩畢後再題一絕

事難如志都表命詩豈酬恩畧表心回首河山人宛在
相思便作幾回吟

避暑

避暑無他法安身有秘方只離紅日遠自覺碧天涼

起早

起早殘燈在門關落日遲雨來蟬小歇風到柳先知借
病常辭客知非又改詩蜻蜓無賴甚飛滿藕花枝

改詩

改詩難於作辛苦無定程萬謀著不下九轉丹難成遊

覺後歷妙陣悔前茅輕抽絲緒益引汲井泉彌清粧嚴
絕色顯葉割孤花明如探海嶽勝人到仙不行如奏鈞
天律鳥啞鳳始鳴脫去舊門戶仍存古典型役使萬書
籍不汨方寸靈恥據一隅霸好與全軍爭吹角不笑徵
塗紅兼殺青相物付所宜千燈光晶熒甯亢不願墜甯
險毋甘平動必拔龍角靜可察螭蠅選調如選將非勝
不用兵下字如下石石破天方驚豈敢追前輩亦非畏
後生常念古英雄慷慨爭功名我噤不得用借此鳴訇
鏗盡才而後止華夏有正聲凡彼小伎藝傳者皆其精
奚可聖人教飽食忘經營止怒莫如詩管子歌之可怡
情多文以為富擁之勝百城既省絲竹費兼招風月聽

上鳴 國家盛下使羣賢賡縱死見玉皇猶能獻韶英

百城 北史李謐傳每日丈夫擁書萬卷何假南面百城

風帆

一葉高懸浪拍天孤迎紅日孰爭先風非不順吹難飽
海縱無邊自有權力大勝騎龍馬走身閒長抱水雲眠
篙工未肯將君用要等餘皇萬斛船

餘皇 舟名左傳昭十七年楚敗吳師獲其乘舟餘皇俗作餘皇

馬鞭

烟樓撞處久摩空會記馳驅闡苑東斜指斷腸雲外樹
自鳴得意馬蹄風隔花傳響春山遠帶雨催程落照紅
一个祖生追不上歸來忍待管絃終

烟樓

蘇軾與陳季常尺牘在定日作松醪賦一首今寫寄擇等庶以發後生妙思著鞭一躍當

撞破烟樓也李東陽祖生晉書劉琨傳琨與祖逖詩當年心許撞烟樓為友嘗曰吾枕戈待旦

常恐祖生先吾著鞭

大樹

繁枝高拂九霄霜
蔭屋常生夏日涼
葉落每橫千畝雪
花開曾作六朝香
不逢大匠材難用
肯住深山壽更長
倚樹有人問名字
為言南國老甘棠

古琴

箏琶海內傳新曲
禮樂千年剩老身
挂壁尚存清廟夢
過時誰奏廣陵春
敢隨武庫爭高價
只覺羲皇是故人
我不知音偏好古
七條絃上拂灰塵

琴操曰伏羲造琴

夸父杖

八荒霍霍驚仰首
空中夸父逐日走
拔山倒海事事終
不追白日非英雄
果然手提黃金烏
問公此樂胡為乎
如何口渴顏色槁
一枝杖作鄧林草

鄧林

山海經夸父逐日渴飲河渭不足北飲大澤未至道渴而死棄其杖化為鄧林

延陵馬

延陵卓子馭馬猛
前有霜刃後有挺
馬行不進斬以狗
馬骨之高與山等
伯樂見之泣不止
造父之御不如此
天生神駿美且都
入公之廐有若無

卓子

韓非子延陵卓子乘蒼龍排父之乘鉤飾在前錯綴在後馬欲進則鉤飾禁之退則錯綴貫之造父見而泣曰猶人處急世而不知所由也

刑天舞

鸞鳥能歌鳳鳥舞刑天效顰舞更苦左干右戚舞不休
天帝欲笑千靈愁爾力非不大爾心非不賢臣有一言
陳蒼天先賜頭目後賜手俾知好醜能折旋

左干右戚

山海經刑天與帝爭神帝斷其首葬之常羊之山乃以乳為目以臍為口操干

戚以舞

狄鞮倡

妖嬈狄鞮倡不嫁年少郎不知女誠字幾何但願高車
大馬來煌煌吹笙酌斗烹肥羊豈不懷故夫故夫羅袖
多明珠豈不彈青琴青琴情悖非妾心豪客愛妾媚君
王愛妾嬌終身不出黃金屋老大還吹白玉簫嗚呼君

不見天邊孤月長門斜絕色湘娥啼暮花

狄鞮

上林賦俳優侏儒狄鞮之唱注狄鞮地名在河內出善唱者

女誠

後漢書曹大家

作女誠七篇

得履詩

山齋失玉履半年為金明府奚奴襪去鬻蘇州
不售再鬻揚州金公廉得顛末遣復故所

飛鳧久化采雲輕故劍重聯舊雨情見面儼如遊子返
還家轉使主人驚身行吳市春帆遠夢覺揚州秋水明
想為林泉緣未斷隨風又到石頭城

飛鳧

後漢書王喬為葉令每朔望常自縣詣臺朝帝怪其來數而不見車騎密令太史伺望之言其臨至輒有雙鳧從東南飛來於至候鳧至舉羅張之但見一隻鳥乃詔上方診視則四年中所

賜尚書屬履也

屢亡冤雪徒人費璧返功歸藺大夫神物終憑犀照得
奴星不累月明孤果然世有重圓鏡勝使人求罔象珠
安得當官盡公等早提塵海入冰壺

徒人費

左傳莊八年齊侯游於姑勞遂田於貝邱見大豕從者曰公子彭生也公曰彭生敢見射之豕人立而啼公懼隊於車中傷足喪屨反誅屨於徒人費

刈稻江北作

無端幽人出有似白雲去一笑下空山書燈照江樹江
上青青峰黃昏若驚顧不道細雨中尚有孤舟渡

雨行聖人爲蘆中窮士寄行行駐風帆萋萋傍古寺波
靜風葉停澗寒水花細日暮問芙蓉有人采卿未

兩行句

左傳襄二十二年春臧武仲如晉雨過御叔御叔在其邑將飲酒曰焉用聖人我將飲酒而已雨蘆中句後至江江中有漁父子胥呼行何以聖爲蘆中句後至江江中有漁父子胥呼之漁父欲渡因歌曰日月照照今寢已馳與子期兮蘆之漪又歌曰日已夕兮予心憂悲月已馳兮何不渡爲事寢急兮將奈何又再歌曰蘆中人豈非窮士乎

老農烟中來牽犢迎田主豐歉各自呈紛紜具雞黍床
前紅葉霜衣上稻花雨四隣無雜聲農談相爾汝

雨多禾生耳田蕪豆落其且喜土化宜彼黍終離離飲
罷瓦盆酒握別牧童手明年吾再來門前綠雙柳

禾生耳

朝野僉載秋甲子雨禾頭生耳豆落其楊報孫會宗書田彼南山蕪穢不治種一頃豆落而爲其

同船逢中秋天水澄孤清私心念明月果然東峰生蘭

小倉山房詩話卷十五
三
檝駐瓜步錦衾隔石城清宵不成寐浩歌酬吾情

送竹軒族弟之河南兼簡滑令呂君

吾宗遠行邁霜色淒河梁因依十餘年攜手此華堂詩
書同檢校家事相扶將一朝辭我去蓬矢射四方貧家
養十客九客猶羣翔胡爲我從昆頃刻成參商階下芙
蓉花涓涓泣道旁春榮嫌葉密秋老愁枝傷今我復何
時兩鬢初凋霜豈不願君留彼此看空囊豈不勸君醉
驪歌難盡觴惟有贈一言富貴早還鄉

富貴句

史記項羽見秦宮室殘破又思東歸曰富貴不歸故鄉如衣繡夜行

讀書矜半解往往言多尤遇人無單複如水行膠舟汝
今初涉世韋絃須矯揉行行重自愛毋作高堂羞我有

舊官聲煩君作遠郵寄與呂大夫滑國爲賢侯我有閒

邱園無力起亭樓望汝攜歸資來此築菟裘兩願都能

償老夫復何求但托紅鯉魚寄書碧山秋

單複

吳志周魴傳魴密表曰臣知無人單複之術韋絃絃當作弦舊唐書李德裕傳德

裕獻丹宸箴六首帝手答曰置之坐隅用比韋絃之益按韓非子西門豹性急故佩韋以自緩董安于性緩故佩絃以自急

捲簾

偶捲北牕簾風吹春色冷一僧一朵雲同上青山頂

哭三妹五十韻

五枝荆樹好忽隕第三枝最是風華質還兼窈窕姿令
儀宜協吉論齒未應衰情以隨肩重喪因在室悲鵲鴿

飛竟斷手足夢重追弄藥爭花日將筭未弃時金籠擒
蟋蟀竹馬逐隣兒各踞長松鍛同分野竈炊書燈裁紙
照學舍隔簾窺呵手團清雪當盤算劫棋鬪殘春草綠
舞罷柘枝敲貧不爭梨栗懽能咏豆萁非魚常作隊似
雁不差池擬續蘭臺史堪刊紫石碑阿兄試京兆小妹
倚門楣望信頻穿眼登科代展眉分襟長戚戚聚首更
怡怡至性醇無比多情累在斯一聞婚早定萬死誓相
隨采鳳從鴉逐紅蘭受雪欺踏搖囚素髮嬸摘損凝脂
瑣珮嬰兒撒犁鋤健婦持贅餘添姊禍嫁後失爺慈捨
宅棲蘭若長齋伴濟尼當官懲壻惡合族笑姨癡婦棄
仍歸矣天高不鑿之已經分破鏡長自奉慈帷紛悅辛

勤侍羹湯宛轉吹呼盧老親伴問字舉家師有女空生

口無言但點頭

妹一
女啞

方形勤指矩圓象強摹規水色雲

沈閣山光樹嘒鷗避人常獨坐對影輒漣洏豈戀終風

暴常懷其雨思冰心明月見春恨落花知寂寂芳華度

奄奄玉貌移九迴腸早斷一日病難治自覺傷心極臨

危作遠離家貧投賤藥膽壯誤庸醫白下巫陽至揚州

蕩子羈魂孤通夢速江濶送終遲

得信前一夕夢
與妹如平生歡

路上

錢猶卜靈前帳已披承衾摩瞑目搜篋理殘詩欲止高

堂慟先教私淚垂蒼茫惟有恨啼勸兩難爲苦憶連年

瘡頻勞徹夜支今朝偏送汝他日更呼誰殘雪敲窗戶

悲風動酒卮浮生千古幻哀輓幾行辭盼斷黃泉路重

逢可有期

蘭臺句

後漢書班固傳固除蘭臺令史著漢書其八表及天文志未及竟而卒帝詔固妹曹

大家就東觀藏書閣紫石合璧白樂天女字金鑾

踵而成之見列女傳南紫石年十歲忽書北山移文

示家人樂天方買終南紫石采鳳從鴉事文類聚

欲刊文士傳乃以刊女書之踏搖舊唐書音樂

於行伍妾能詞有彩鳳捶之而斃志踏搖娘生

句杜怒曰鴉且打鳳捶之而斃醉歸必毆其妻其

於隋末河內有人貌惡而嗜酒醉歸必毆其妻其

妻美色善歌為怨苦之辭河朔演其曲因寫其夫

之容妻悲訴每搖頓賦釋名賦猶譎摘也如

其身故號踏搖娘賦釋名賦猶譎摘也如

事者之嬰兒句戰國策齊王使使者問趙威后威

稱也嬰兒句戰國策齊王使使者問趙威后威

恙耶撤其環瑱至老不嫁以養父母是皆鋤犁句

率民而出於孝情者也胡為至今不朝也鋤犁句

杜甫兵車行縱有健婦把姨癡婦楊氏者闔人符

鋤犁禾生隴畝無東西姨癡婦楊氏者闔人符

承祖姨也承祖為文明太后所寵貴親戚皆求利

潤唯楊獨不欲常謂其姊曰姊雖有一時之榮不

若妹有無憂之樂符家內外皆號為癡姨及承祖

敗有司執其二姨至殿廷致法以姚氏婦衣裳弊

陋特紛悅紛悅拭物之佩巾也終風暴詩邶風

飲酒二十首

淵明與劉伶開口不離酒終竟兩人賢果然為酒否我

自赴華胥不煩杜康引酒味吾不知酒意吾能領

杜康

魏武帝短歌行何以解憂惟有杜康按杜康善造酒

醉鄉去中國不知幾萬里偶一問其津身熱頭痛耳所

以桃源人雖隣莫通使惟有書味甘行行堪沒齒禹王

大聖人先我惡甘旨千鍾與百榼倦勤從此始

醉鄉記 王績醉鄉記醉之鄉去中國不知其幾千里也 千鍾百榼 孔叢子平原君

強子高飲日諺云堯飲千鍾孔子百觚子路嗑嗑尚飲百榼古之聖賢無不能飲子何辭焉

客至如春風來者皆入室率性任所言寒暄各一一可以具雞黍可以聽瑤瑟欲宿即張燈解吟亦進筆若問有酒否此事未可必

風入室 南史謝惠傳不妄交接門無雜賓有時獨醉日入吾室者但有清風對吾飲者唯當

明

天地無終極風輪盪不禁不知古人古安知今人今吾園二三月全家釣水濱彼得此亦喜此失彼亦嗔適野獲天趣忘機蘊性真自笑一家人都遊羲皇世儀狄尚未生何由知酒味

風輪 順正理論成劫者謂從風起世界將成風漸臻盛如所說風輪水輪金輪等自然成立出

梵天宮乃至夜摩天宮儀狄戰國策梁王觴諸侯復起風輪等是為成立於范臺酒酣請魯君舉觴魯君興避席曰昔者帝女令儀狄作酒而美進之禹禹飲而甘之遂疏儀狄

有目必好色有口必好味戒之使不然口目成虛器縱之使無涯我又為渠累聖人善調停君子素其位

古皇無史官宣尼不著書古之大聖賢淡淡忘名譽君看臯夔外傳者為誰歟文王有多士名姓亦無聞女媧

戲團土本自難區分我不知有我而又奚云云

女媧句 李白樂府上雲樂女媧戲黃土搏作愚下人李昉太平御覽風俗通曰俗說天地初

開闢未有人民女媧團黃土為人劇力不暇供乃引繩於混中舉以為人故凡富貴賢智者黃土人也貧賤凡愚者引繩人也杜光庭錄異記房州上庸界有伏羲女媧廟云是搏土為人民之所古跡

存焉

讀書息微倦危坐操青琴求靜常反動絃中怪此心明知非古曲聊復審其音海水飛何處鍾期亡至今借問聽者誰門外幽蘭深

名教有樂地一誤殊難曉英雄與文人往往託佛老匪自矜清超卽是貪壽考譬如飲酒人非此難自了吾學無不窺惟憎二氏書看則縮其額如嗜菖蒲菹大道有周孔奇兵出莊周橫絕萬萬古此外皆蚍蜉君請擇於斯何事更他求

名教句

晉書樂廣傳王澄胡毋輔之等皆任放爲達或至裸體者廣聞而笑曰名教內自有

樂地何

必乃爾菖蒲菹二句 呂氏春秋云文王嗜菖蒲菹孔子聞而服之縮額而食之

三年而後勝之注勝服也

陶令責子詩愚多賢者少未免心戚戚借酒解懷抱我今雙無之陶聞亦云好無所藉杯酌匪我求童蒙得姓三千年未必以我終君看鄧伯道亦得歸邱中

責子詩

陶淵明責子詩云雖有五男兒總不好紙筆又云天運苟如此且進杯中物

班家有婕妤稚齒入椒房自恃君王愛恩如海水長一朝咏紈扇朱顏逐漸凋君王縱復召終讓新人嬌寂寂長信宮涔涔泣不止初泣爲紅顏再泣爲青史華髮吹秋風此生長已矣

班婕妤

漢書婕妤初爲孝成所寵其後趙氏日盛婕妤恐久見危求供養太后長信宮作紈

扇詩以自悼焉

古來功名人三皇與五帝所以名赫赫比我先出世我已讓一先何勞復多事平生行自然無心學仁義婚嫁不視厯營葬不擇地人皆爲我危而我偏福利想作混沌人陰陽亦相避灌花時雨來彈琴山月至天地亦偶然往往如吾意

風霽月色明露影蒼苔上幽人清興發枝策成孤往不知所尋誰寓目卽心賞隣人知未眠水面篙聲響

細雨過深竹水影澄空雲不知何處花微香如有聞漸漸春風和時時芳草熏自書一片葉告知雲中君

雲中君 楚詞九歌有雲中君一首

我愛王思遠衮服何燦爛遇所勿經懷短衣不掩胷又

愛桂陽王興到詩酒濃偶意有所廢戚友不相通君去我欲眠君眠我亦去不藉醉爲辭天懷有深趣

王思遠二句 南史王思遠傳思遠立身簡潔諸客有詣已者覘知衣服垢穢方便不前

形儀新楚乃與促膝雖然及去桂陽王南史桂陽之後猶合二人交帝拂其坐處

帝第八子也性理偏諛遇其賞與則我欲眠宋書詩酒連日情有所廢則兄弟不通

傳貴賤造之者有酒輒設潛便語客日我醉欲眠卿可去其真率如此

躬耕吾不能觀耕園最便水響叱牛聲土色老農面老農前致詞秋災求減租我乃傭其力以有易所無農夫喜聳肩欣欣來負輿我亦恣所往看花招其徒春風熏玉顏秋月澄水壺旁人誤生疑先生醉矣乎

春陰漏日遲嬌鳥啼花早羣鳥音難分但覺春懷好既

醒復重眠紗窗碧烟曉啼鳥莫相催春夢儂猶少

任事在人後見事在人先以之涉斯世庶幾無尤焉吾

年方垂髫早已登賢書三十挂其冠四十白其鬚味早

易撤席遊早易回車一早無不早未知死何如

兒童籠翠鳥朝夕鳴前軒飛者念其朋籠外語殷勤一

朝膠絲發以情累其身傷彼鷓鴣智何如精衛仁吾其

愧鳥夫斯人吾同羣

鷓鴣本作意而莊子山木篇鳥莫智於意而按元

虛子仙志周穆王迎意而子居靈卑之宮訪

以至道後欲以為司徒意而子愀然不悅化

為元鳥飛入雲中故後人呼元鳥為意而精衛

山海經發鳩之山有鳥焉名曰精衛是炎帝之少

女名曰女徒遊於東海溺而不返故為精衛常含

西山之木石以堙於東海



形神天所付名字吾自取形名兩無時此身置何所朝

見一莖絲暮吟一首詩借形傳我名名傳形不知

嘗讀高士傳過潔亦無聊太谿刻自處生世如鴻毛我

雖不飲酒恰能舖其糟雲閣自層層風裳必楚楚燈圍

花萬重屋聚書千古寄語於陵子君輩徒自苦

高士傳晉皇甫謐作 谿刻世說桓溫讀高士傳至於陵

刻自舖糟屈原漁父詞眾人皆醉 處何不舖其糟而歆其醜

夜過瓜州

霜雁一聲語烟江兩岸秋蘆花三十里吹雪滿船頭我

欲乘潮去孤帆夜不收蒼茫雲樹外明月出瓜州

明月

明月乍離海長風吹上天爭光眾星盡受影一峰先水
色金波麗秋心玉鏡圓雙雙木蘭漿搖落桂花烟

哀兩生 并序

甲子分校南闈薦兩卷不售一松江陳邁晴一
太倉吳維鶚陳故宿學榜後作百韻來謁斐然
成章未幾病死吳為梅村先生曾孫少年玉貌
登癸酉賢書亡何亦死

蓬蓬江南春青青芳蘭枝舉世既莫採秋風復敗之蘭
敗復何言寸心傷美人美人如明月曾照幽蘭春吳生
華腴族弱冠人如玉陳生雲間彥烟霄蹲鸞薦君不
識君孤琴彈白雲相感來相訪賞音良不爽忽弱一个

焉天道其如何再聞雙璧埋吾淚空滂沱吹花不上天
一墜且黃泉世上峩峩冠甯如兩生賢

弱一个 左傳昭三年齊公孫竈卒晏子曰又弱一个焉

又病

山中蒲柳畏西風白髮催添又幾重病每防秋先自怯
天如成例不姑容詩書暫遠妻孥近膳飲才清藥氣濃
消受名花都有分年年只是負芙蓉

蒲柳 世說顧悅與晉簡文帝同年而髮早白帝問卿何以先老對曰蒲柳之姿望秋先隕松栢之質隆冬轉茂

送望山公入覲

九月尚書覲 紫宸九重剛下有 温綸臯夔豈為科

名重

詔本朝滿洲科目惟鄂爾泰尹繼善二人

馬鄧新兼

帝室親抗手

侯王俱後輩趨庭公子半詩人弓刀小隊秋郊外笑指

芙蓉殿晚春

馬鄧

晉書左貴嬪傳貴嬪元楊皇后諫曰馬鄧兩妃亦毗漢王李商隱為懷州刺史傳奉陰郭

之良躅御馬鄧之明規王安石詩國賴姜任盛門歸馬鄧高

少宰裘叔度典試江南事畢登程入山視疾

柴門駐馬日斜曛八座籠街病客聞天上使星尋舊雨

山中孤月照卿雲同年人少情難捨候送官多手又分

方握手而飛騎報將軍制府出城

倚榻相迎扶榻別燈窗葉落尙思君

使星

後漢書方術傳和帝遣使微服觀採風謠二人到益部投館吏李郃舍郃曰二君發京師

時寧知朝廷遣二使耶使問何以知之郃曰有二使星向益州分野

贈副王試錢相人先生

種成桃李滿江陰遠訪成連海上琴見到小君交可想

記同泮水感尤深青雲不改書生面白簡難忘獬豸心

公會劾兩江制軍黃太保

一十五年才一會那堪此後再如今

白簡

晉書傳元天性峻急每有奏劾或值日暮捧白簡不寐坐以望旦南史任昉為中丞每奏

彈日謹奉白簡以聞註白簡簡狀也

假山成

三成號昆侖此義本爾雅幽人戲為之輦石襍青赭初

將地形參繼用粉本寫高低肯隨人其妙轉在假平生

嶽崎心一旦吐諸野微微洞穴明漸漸雲烟惹五嶽走

家中一拳始腕下未晚早扇門慮有飛去者

三成句

爾雅釋邱三成爲崑崙邱註崑崙山三重故以名云

寄懷望山公

袞衣人去雪飛時一月空山少和詩豈獨忠勳高海內
卽論儒雅亦吾師東南事重回輪早臣主情深下殿遲
寄語梅花緩調鼎孤雲野鶴正相思

儒雅句

杜甫詩搖落深知宋玉悲風流儒雅亦吾師

不寐

一聲兩聲雞初鳴四更五更天未明羣雞亂啼聲漸迫
紙窗才露東方白病人夢短冬夜長燈花墮几鼠鬪梁
頭自伏枕目自張四十年事如何忘

商丁孫尊歌爲素將軍作



素公雙瞳今罕有辨古器物如犀剖雞匱魚甌羅成行
就中商尊尤冠首規身環澗束半腰侈口吞舟容一斗
紅搖赤水珊瑚明翠凝碧瓦琉璃厚蛟龍揚爐鳧氏鐫
丁曰孫三字垂韭陰花陽篆劃深雪雷紋雲氣蟠蝌蚪
黃目睽睽當臍瞪飛廉嚙嚙繞腹走想當元女降生商
兄癸婦庚鑄彝卣大局七个橫廟門典寶一篇陳黼右
滕臣負俎說調羹成湯嫁妹狄作酒或盛菹斲彤祭日
或斟雉羹彭鐘叟史官高勢來峩峩稱祝尊前再拜手
道是器成永寶用子孫無疆王萬壽三臛有玉盤有銘
同與此尊垂遠久一朝膜晝封河陽白馬人行器不守
麥秀空傳箕子歌銅盤早蝕比干紐三千年過太陰中

不知有周秦更否神物數滿當出世咸陽耕夫傳某某
 苔皴土繡形離奇逢官蔑視等瓦缶素公一見購百練
 如辨墳羊識土狗召良工某刷作瓶月洗黑雲光照牖
 沃丁武丁靈爽存猶銜花枝香滿口甄邯威斗子尾犧
 若數班行都列後我乃撫尊長嘆息世事輸君常八九
 函牛之鼎當康瓠折鈎之喙享做帚人才那得如金銅
 長在泥沙不速朽願公愛士如愛尊毋使埋淹嗟不偶

環灑

灑音醮車轅漆也 嘖音顏 元女女當作鳥

天命元鳥

兄癸

博古圖商兄癸卣銘共五十字曰

降而生商

婦庚婦當作父博古

大扇

扇當作扇與扇別考工

大扇牛鼎之扇長三尺每

典寶

史記湯伐三豎俘

扁爲一個七個二丈一尺

成湯嫁妹

後漢書荀

爽傳易曰帝乙歸妹婦人謂嫁曰歸言湯以娶禮

歸其妹於諸侯也

注史記紂父名帝乙此文以帝

乙爲湯湯狄作酒臺酒酣請魯君舉觴魯君與避

名天乙也

狄作酒

戰國策梁王魏嬰觴諸侯於范

席曰昔者帝女令儀狄作酒而美進之禹禹飲而

甘之遂疏儀狄絕旨酒曰後世必有以酒亡其國

者案此是

彤日

書經高宗彤日注彭鏗句鏗當作

禹時事

彭鏗

鏗善斟雉羹以事堯堯美而享之案神仙傳

和滋味善斟雉羹

三腰

國名腰史記作腰

堯封之于彭城

有玉見上典寶注

白馬詩經

有客有客亦白其馬注

銅盤

汝帖武王封比干墓

此微子來見祖廟之詩


墳羊句

抱朴子諮萍實而言色

泉前岡後道萬世

沃丁

綱鑑商王武丁小乙子也甄邯威斗莽傳鑄



作威斗威斗者以五石銅為之若北斗長二尺五寸注以五色藥石及銅為之南史何承天傳嘗開元武湖過古冢冢上得一銅斗有柄承天曰此亡新威斗王莽三公亡皆賜之一在冢外一在冢內時三台居江左者惟甄邯為大司徒必邯之墓俄又啟冢內更得一斗復有一石銘大司徒甄邯之墓子尾犧梁書劉杳傳嘗于沈約坐語及宗廟犧尊約云鄭元答張逸謂為畫鳳鳳尾婆娑然今無復此器則不依古杳曰此言未必可按古者樽彝皆刻木為鳥獸鑿頂及背以出內酒頃魏世魯郡地中得齊大夫子尾送女器有犧尊作犧牛形晉永嘉賊曹疑于青州發齊景公冢又得此二樽形亦為牛象二處函牛鼎後漢書劉陶傳皆古之遺器知非虛也舉函牛之鼎絀纖枯之木康瓠爾雅康瓠謂之甑賈誼吊屈原賦又見隋書幹棄周鼎寶康瓠今注康瓠瓦盆底也瓠有平折鉤喙史記楚世家莊王曰楚國去二音義同折鉤喙折鉤之喙足以為九鼎享敝帚文選李善表注語云家有敝帚享之千金享家珍惜如千金言不忍舍也

輓孫文定公

戊午鄉試座主

黃扉躬佐泰階平星隕中宵惝馬驚青史三朝書行狀
蒼生四海望銘旌殊恩禮自加羊祜溢美人幾累孔明

身後關心房太尉有無遺表諫東征

偽稿一案公為名累

惝馬驚

綱鑑宋神宗八年司徒待中魏公韓琦卒前一夕大星隕州治惝馬皆驚

羊祜

句具詳晉孔明句

具詳三國志陳壽表及註

房太尉二句

唐書房元

齡傳臨卒上疏諫征高麗

隨園二十四咏

倉山雲舍

小人有老母倉山多白雲奉母居山中板輿常欣欣看
花與山共采藥與山分

小人有母左傳穎考叔對鄭莊公語板輿潘岳閒居賦太夫人乃御板輿

聚書如聚穀倉儲苦不足為藏萬古人多造三間屋書問藏書者幾時君盡讀

三間屋世說蔡司徒在洛陽見陸機兄弟任參佐廨中三間瓦屋土龍住東頭士衡住西頭齊書王延之傳延之清貧居于穿漏褚淵具啓明帝帝即敕材官為起三間齋屋

金石藏

不見古人面須見古人手廣搜金石文歐趙所未有何物為之鄰璜琥尊罍

小眠齋

秋齋號小眠空廊無響屨讀倦偶枕書書痕印滿頰不

知牕外花飛過幾蝴蝶

小眠南齊書豫章文獻王嶷傳嶷啟曰往歲收合得少雜材并蒙賜故板啓榮內許作小眠齋皆補接為辦無乖格制響屨廊廣輿記蘇州府靈巖山館娃宮吳王建廊虛其下合西施步履繞之則有聲

綠曉閣

朝陽耀高閣萬綠一齊曉虛窗聚景多宿雲出簷早翠

微西山低白塔東城小

柳谷書經堯典宅西曰昧谷史記五帝紀徐廣注曰一作柳谷

宅西顏柳谷義取尚書詞未必康成識差免虞翻譏春痕搖水痕滿地如漚絲

虞翻譏吳志虞翻傳注翻曰古大篆卯字當為柳古柳卯同音而以為昧誠可怪也

羣玉山頭

梅花襍玉蘭排列西南峰素女三千人亂笑含春風我
記相別時瑤臺雪萬重

竹請客

盧仝所思客乃命竹竿請何繇知非僕長教此君等美
人來不來立斷風鬟影

知非僕句

綱鑑漢光武名秀嘗過穰人蔡少公少
公頗學圖讖言劉秀當為天子或日是

國師公劉秀乎光武
戲日何由知非僕也

因樹為屋

後漢書申屠蟠傳因
樹為屋自同傭人

銀杏四十圍葉落瓦無縫主持小倉山惟吾與汝共更
借屋上蔭招宿丹山鳳

雙湖

我取西子湖移在金陵看時將雙鏡白寫出羣花寒前
湖饒荷葉後湖多釣竿

栢亭

種栢成一林屈折為庭宇奚須文杏梁已遮碧瓦雨翠
禽居之安日坐亭中語

奇礪石

到公有奇石曾向華林補千年幽人得風月一齊古當
作石交看摩挲日三五

到公二句

南史到溉傳溉齋前有奇礪石帝戲與
賭之溉輸焉即迎置華林園移石之日

都下縱觀所
謂到公石也

回波間

不放水流清池嫌太滿常放流水流新荷尙嫌短建
間唱回波勸水行緩緩

唱回波

舊唐書李懷遠傳子景伯景龍中遷諫議大夫中宗嘗宴侍臣酒酣令各爲回波辭次至景伯曰回波爾時酒卮微臣職在箴規侍宴既過三爵誼譁竊恐非儀唐書沈佺期傳佺期以罪謫遇恩復官而朱衣未還因內宴歌回波辭目身名已蒙齒錄袍笏未賜牙緋樂府解題回波樂商調曲與囀春鶯烏夜啼之類謂之軟舞

澄碧泉

山頭峰百層山下泉一尺葉落水面青月落水光白此

水淡無言泠泠終日碧

小棲霞

萬事不嫌小但問能成家我有一間屋公然類棲霞絕

壁屋前山天香屋後花

棲霞

南史明僧紹傳僧紹聞沙門釋僧遠夙德往候定林寺高帝欲出寺見之僧遠問僧紹曰天子若來居士若爲相對紹曰山藪之人政當鑿坏以遁旣而遁還攝山建棲霞寺而居之唐書明崇儼傳潤州棲霞寺是其五代祖梁處士山賓故宅帝特爲製碑文親書於石論者榮之

南臺

築臺望雲物雕欄盡南向天空星可摘木落山獻狀露

葉如水明前峰新月上

雲物

左傳日南至公旣視朔遂登觀臺以望而書禮也凡分至啟閉必書雲物爲備故也注分春秋分至冬至夏至啟立春夏閉立秋冬

水精域

小倉山房詩屋 卷十五 梅花詩屋

少倉山房詩注 卷十五
玻璃代窗紙門戶生虛空招月獨辭露見雪不受風平生置心處在水精域中

渡鶴橋

白鶴欲過湖照水不得路十月輿梁成羽客含蘆渡新霜鋪玉勺何人試初步

泛杭

不負一池水招招學舟子君覺歌口香知在藕花裏畫橈莫蕩公水動鴛鴦起

香界

佛家有香界旃檀焚諸天我家有香界幽蘭種溪邊能聞而知之鼻在耳目先

香界

沈佺期絳隆寺詩香界縈北渚高適登慈恩寺浮圖詩香界混羣有孟浩然來闍黎新亭詩地偏香界遠

盤之中

盤意取屈曲旋轉無定區我意亦倣此乃築蝸牛廬紆行勿直行公等來徐徐

盤之中

韓愈送李愿歸盤谷序盤之中維子之宮魏志管寧傳自作一瓜牛廬淨掃其中營木爲床布草蓐其上天寒構火以自炙注瓜當作蝸

嶰山紅雪

王母宴瑤池蟠桃開似海酒罷落花飛散作諸天彩造屋居其間紅顏長不改

蔚藍天

少倉山房詩注

卷十五

吳

梅花詩屋

琉璃付染人割取青雲片終朝非采藍彷彿天光現客
來笑且驚都成盧杞面

蔚藍天

蔚音鬱杜甫詩
上有蔚藍天

盧杞面

唐書盧杞傳杞有
口才體陋甚鬼面

藍色初郭子儀病百官造省不屏姬侍及杞至則
屏之隱几而待家人怪問其故子儀曰彼外陋內
險左右見必笑使後
得權吾族無類矣

涼室

避暑如避客一室陰悄悄高梧拒日多曲澗引風早熱
中人偶來也覺此閒好

小倉山房詩註目錄

卷十六

瞻園十咏為託師健方伯作

寄盧雅雨觀察二首 上元前一夕訪岳水軒不

值

題武午橋相馬圖

題塞上吟贈李觀察

贈徐梅麓觀察 有序

潘字情明府見和陶吳壁上詩書扇相貽兼餉茶菴

呼龍耕烟圖為錢相人觀察題

揚州紅橋與門生劉牧臯進士兩舟相值次日牧臯

以紅橋畫冊屬題時將需次京師

劍

初寒